



ALL INDIA RADIO

আকাশবাণী শিলচর

REGIONAL NEWS UNIT

MORNING NEWS BULLETIN

BENGALI

15 AUGUST 2024

8:30 AM IST

সমগ্র দেশে আজ যথাযোগ্য মর্যাদায় বিভিন্ন কার্যসূচীর মাধ্যমে ৭৮ তম স্বাধীনতা দিবস উদযাপন করা হচ্ছে ।

প্রধানমন্ত্রী নরেন্দ্রমোদী আজ সকালে দিল্লীর লালকেল্লায় আয়োজিত স্বাধীনতা দিবসের মূল অনুষ্ঠানে জাতীয়পতাকা উত্তোলন করেন । এছাড়া প্রধানমন্ত্রী প্যারেডের অভিবাদন গ্রহণ করেন । দিল্লীতে আয়োজিত মূল অনুষ্ঠানে বিভিন্ন দেশের অতিথিরা সহ অলিম্পিকে পদকজয়ী ক্রীড়াবিদরা উপস্থিত ছিলেন । স্বাধীনতা দিবসের পতাকা উত্তোলন করে ভাষণ প্রসঙ্গে প্রধানমন্ত্রী বলেন যে আমাদের সংকল্প হচ্ছে যে দেশ এবং দেশের কল্যাণ । তিনি বলেন যে গত ১০ বছর ধরে দেশের বঞ্চিত দুস্থ মধ্যবিত্ত লোকদের জীবনযাত্রার মান উন্নয়ন করার জন্য সংস্কারমূলক কাজ অব্যাহত রয়েছে । ভারতের ১৪০ কোটি জনগণ যদি একসঙ্গে একই লক্ষ্যে অগ্রসর হয় তাহলে সব বাধা বিপত্তি জয় করে ২০৪৭ সালের মধ্যে বিকশিত ভারতের লক্ষ্যে উপনীত হওয়া যাবে । দেশের বেংকিং ক্ষেত্রের প্রশংসা করে তিনি বলেন যে বিশ্বের

শক্তিশালী বেংকগুলোর মধ্যে পরিগণিত হয় ।প্রধানমন্ত্রী মহিলাদের বিরুদ্ধে সংঘঠিত অপরাধমূলক ঘটনায় সমগ্র দেশ ক্ষোভ প্রকাশ করছে বলে মন্তব্য করে এই সমস্ত ঘটনার দ্রুত তদন্ত এবং দোষীদের দৃষ্টান্তমূলক শাস্তি প্রদান করা অত্যন্ত জরুরী বলেক জানান ।তিনি বলেন যে সরকার এই বিষয়টিকে গুরুত্ব সহকারে দেখছে ।আগামী ৫ বছরে দেশের মেডিক্যালকলেজগুলোতে আরো ৭৫ হাজার আসন বৃদ্ধি করা হবে বলে তিনি জানান ।তিনি তাঁর ভাষণে পার্শ্ববর্তী বাংলাদেশে শীঘ্র শান্তি ফিরে আসবে বলে আশা প্রকাশ করেন এবং ঐ দেশে বসবাসরত হিন্দু সহ অন্যান্য সংখ্যালঘুদের নিরাপত্তার বিষয় ও উল্লেখ করেন ।

গৌহাটীতে স্বাধীনতা দিবসের সরকারী কার্যসূচী আজ সকাল সাড়ে চারটায় প্রভাতী গীতাঞ্জলীর মাধ্যমে আরম্ভ করার পর সকাল ৭ টায় সরকারী আধিকারিকদের বাসভবনে ও সাড়ে ৭ টায় সরকারী কার্যালয় ও শিক্ষাপ্রতিষ্ঠানে জাতীয় পতাকা উত্তোলন করা হয় ।সকাল সাতটা ৪৫ মিনিট থেকে কুচকায়াজে অংশ গ্রহণ করার জন্য দলগুলি ও ৮ টা ১৫ মিনিট থেকে আমন্ত্রিত অতিথি তথা জনসাধারণ খানাপারা পশু চিকিৎসা মহাবিদ্যালয়ের খেলার মাঠে উপস্থিত হোয়ার পর সকাল ৯ টায় মুখ্যমন্ত্রী ড: হিমন্ত বিশ্ব শর্মা জাতীয় পতাকা উত্তোলন করবেন ।এরপর তিনি অভিবাদন গ্রহণ করবেন ।এই অনুষ্ঠানে আসাম পুলিশ ও আধাসামরিক বাহিনী কুচকায়াজ প্রদর্শন করবে ।

এদিকে রাজ্যসরকার আজ সাংবাদিক পেনশনারদের নাম ঘোষণা করেছে। ২০২৪ বর্ষের জন্য রাজ্যসরকার ২০ জন সাংবাদিককে পেনশন প্রদান করবে

সমগ্র দেশের সঙ্গে বরাক উপত্যকার তিন জেলায় ও আজ যথাযোগ্য মর্যাদায় ও বিভিন্ন কার্যসূচীর মাধ্যমে ৭৮তম স্বাধীনতা দিবস পালন করা হচ্ছে ।

কাছাড় জেলা প্রশাসনের পক্ষ থেকে এবছর স্বাধীনতা দিবসের কেন্দ্রীয় অনুষ্ঠান শিলচর জেলা ক্রীড়া সংস্থার মাঠে আয়োজন করা হয়েছে । রাজ্যের শক্তি মন্ত্রী নন্দিতা গার্লোসা সকাল ৯টায় জাতীয় পতাকা উত্তোলন করবেন । এছাড়া বিভিন্ন কার্যসূচীর মধ্যে সকাল সাড়ে পাঁচটায় তথ্য ও জনসংযোগের মাইক যোগে দেশাত্মবোধক সঙ্গীত প্রচার , সকাল ৭টায় বেসরকারী গৃহ , কার্যালয় ও শিক্ষা প্রতিষ্ঠানে জাতীয় পতাকা উত্তোলন , সকাল ৭টা ৪৫ মিনিটে সরকারী বাসগৃহ , কার্যালয় ও শিক্ষা প্রতিষ্ঠানে জাতীয় পতাকা উত্তোলন করা হয়েছে । ৮ টা ৩৫ মিনিটে গান্ধীবাগে গান্ধীজীর প্রতিমূর্তিতে পুষ্পার্ঘ্য অর্পণ , ৮ টা ৪৫ মিনিটে গান্ধীবাগে অস্থায়ী শহিদ বেদীতে পুষ্পার্ঘ্য অর্পণ , সকাল ৯ টায় জাতীয় পতাকা উত্তোলনের পর আসাম পুলিশ ব্যাটেলিয়ন , জেলা পুলিশ ট্রাফিক পুলিশ , সি আর পি এফ , হোমগার্ড , এনসিসি , স্কাউটগাইড , স্কুলের ছাত্রছাত্রীদের সমবেত কুচকাওয়াজ প্রদর্শন , রেডক্রস হাসপাতাল , কেন্দ্রীয় কারাগারে কয়েদিদের মধ্যে ফল বিতরণ , এছাড়া বিকেলে প্রদর্শনী ফুটবল ম্যাচ , সরকারী কার্যালয় ও মনীষীদের মর্মর মূর্তী প্রাঙ্গনে আলোকসজ্জা ইত্যাদি।

স্বাধীনতা দিবসের কেন্দ্রীয় অনুষ্ঠান করিমগঞ্জ সরকারী উচ্চতর মাধ্যমিক বিদ্যালয়ের খেলার আয়োজন করা হয়েছে । সকাল ৯টায় জেলা আয়ুক্ত মৃদুল যাদব জাতীয় পতাকা উত্তোলন করবেন এদিকে এই দিবসের

অন্যান্য কার্যসূচীর মধ্যে আজ সকাল ৬টায় শহরের স্থায়ী মাইক যোগে দেশাভিবোধক সঙ্গীত প্রচার সহ সকাল সাড়ে ছটায় প্রভাতফেরী , সকাল সাতটায় জনসাধারণের বাসভবন , বেসরকারী শিক্ষা প্রতিষ্ঠান-কার্যালয়ে জাতীয় পতাকা উত্তোলন , সকাল ৮টায় সরকারী কার্যালয় ও শিক্ষা প্রতিষ্ঠানে জাতীয় পতাকা উত্তোলন করা হয় । সকাল সাড়ে আটটায় শহীদ বেদীতে মাল্যদান করা হচ্ছে। । এছাড়া সকাল ১০টায় জেলা কারাগার , লায়ন্স ক্লাব , রেডক্রস হাসপাতাল , সিভিল হাসপাতালে রোগীদের মধ্যে ফল বিতরণ , বেলা সাড়ে ১২টায় মহিলাদের মধ্যে দড়ি টানাটানি প্রতিযোগিতা অনুষ্ঠিত হবে । সন্ধ্যায় সব সরকারী কার্যালয় ও বাসগৃহে আলোক সজ্জার আয়োজন করা হয়েছে ।

হাইলাকান্দি জেলায়ও আজ ৭৮তম স্বাধীনতা দিবস পালন করা হচ্ছে। জেলা আয়ুক্ত নিসাগ হিভারে গৌতম সকাল ৯টায় জেলার কেন্দ্রীয় অনুষ্ঠান নেতাজী সুভাষ চন্দ্র বসু স্টেডিয়ামে জাতীয় পতাকা উত্তোলন করবেন । অনুষ্ঠানে কেন্দ্রীয় সংরক্ষিত পুলিশ বাহিনী , আসাম পুলিশ , মহিলা পুলিশ , গৃহরক্ষী বাহিনী , রাষ্ট্রীয় শিক্ষার্থী বাহিনী সহ বিভিন্ন শিক্ষা প্রতিষ্ঠানের ছাত্র-ছাত্রীরা কুচকাওয়াজে অংশগ্রহন করবে । মোট ২০টি দল এবছর স্বাধীনতা দিবসের কেন্দ্রীয় অনুষ্ঠানে অংশগ্রহন করবে । স্বাধীনতা দিবসের প্রতি লক্ষ্য রেখে জেলা পুলিশ প্রশাসন কঠোর নিরাপত্তা ব্যবস্থা গ্রহণ করেছে ।

কলকাতার আর জি কর হাসপাতালের একজন মহিলা চিকিৎসকের ধর্ষণ এবং হত্যার প্রতিবাদে এবং মহিলাদের সমান অধিকার ও দৌষীদের দৃষ্টান্তমূলক শাস্তির দাবীতে গতকাল শিলচর ক্ষুদিরাম মূর্তীর পাদদেশে , গোলদিঘি মলের সামনে মহিলাদের প্রতিবাদ কার্যসূচী পালন করা হয় । করিমগঞ্জেও মহিলারা মোমবাতি প্লেকার্ড ইত্যাদি নিয়ে প্রতিবাদ কার্যসূচীতে পালন করেন ।
